

經部

欠己の軍全書 咸 欽定四庫全書 下經 易學變通卷四 或問咸民皆以人身取象何也曰咸者二人相向之 身不越乎動靜而已咸則感于物而動民則止于所 而靜此動靜之正也若夫感于不正止非其所此又 象艮則二人相背之象皆具全體之義也况人之一 咸至益 易學變通 曾貫 撰

金ラピノノニ 備 常常之中不能无變也日本義以咸自旅來 備 隂 烜 來 與由否而咸矣泰者陰陽之交而非可恒也若剛 情之不能免者故聖人因象設戒自踵至項 于義然手曰變固非一定之變也然豐旅而變成 夫體之全非若賣之趾 陽 也日咸恒录傳首言卦變何也日咸恒者人道之 イソ 无其義不若自泰否而變者有其義也蓋否者 之相 判 放不能 卷四 相感若桑上而剛下則二氣 順之頂取其一端而 恒 白 不必 则必 豐 相

Re Duck White 女者艮下于兄婚姻之正也若以諸交論之則初六 卦之六爻乃不取男女之象何也日成之取象于 所感每失其正者有我累之也故君子觀山澤之象 九四雖為正應然感非其正成之所惡也六二九五 以虚而通則凡中无私主乃所以无感而不通也曰 惟大象取受人之象何也曰虚中乃所以感也人之 而祭下則各安其位由泰而恒矣卦及之解皆取感義 得中正然剛上桑下陰陽不交非咸之道也惟九 易學獎通 男

金豆四月 有 四之象果有取乎曰四之正體為見至體為異光說 而反靜何也曰艮體 内 故諸交泛以感道為言而吉凶禍福皆在其中矣曰 雖 三上六雖為成卦之主然過中處極非夫婦之常道 體三爻本艮之體 也說于外故 往來之憧憧也且九四處三陽之內上下无問 説 然居尊得正故能都此動静所以不同也日九 往異入也異內也故來二體交互是 雖 而反動 止然感物易動莫如內免體 若九五一爻乃說之體

炎里四車全書 咸六二咸其腓艮六二艮其腓二卦皆取腓之象然 為惡之象也故咸其腓則凶艮其腓則不言凶矣所 聖人之戒也 况見說居外使非艮止于內則流于不正者多矣此 動何也日靜則有虚受之基而動則有憧憧之悔 又朋從之象也曰咸主于感而六爻皆宜静而不宜 腓者不能自動隨足而動則是本無定主可為善可 以然者吉凶非由乎 易學變通 腓也咸則感于外而動良則 ٤

金厂口人 于内 咸 何 聖 吉悔亡三爻皆以九居四説者但以四非九之正故 利 獨于此三爻而設戒蓋曾思之咸者感也故首言 知咸艮之義哉 貞者以見感而非貞則是私情之感矣况九四正 九四貞吉悔亡大壮九四貞吉悔亡未濟九四 心位故言貞于九四所以 人因占設戒而係此解然他卦以九居四者多矣 而 /! !! 静故也世之不能自主借耳目于他人者可 巷 明夫以心感者必以 貞

恒 シーラース かよう 或問咸恒俱言天地萬物之情何也曰天地萬物之 四 陽 君子處此尤不可以不貞故言貞于九四亦以戒夫 以用北而進不可以不貞也且九四一爻前遇二陰 則吉而悔亡也大壮乃陽長之卦故首言利貞者政 亦以貞則吉无咎即此意也 則為受命征伐之文尤不可以不自故師之文人 剛之遇陰柔必以貞則吉而其悔亡也若未濟九 易學變通

多定四月百十 萃亦言天地萬物之情何也曰此亦不離手感應之 為變矣萬物之類聚則 桑之應情之常也一感一應天地萬物不能違矣日 情感應而已矣故咸言剛柔之感情之通也恒言剛 妙也蓋天地之氣聚則相感而成形散則无復感而 不易方果何取于雷風相與之象乎曰恒之為德體 物矣此非因形之 聚散而見感應之情手曰君子立 用變靜常動變然其變也是亦常也故聖人以 相感而相生散則不復感而 立

ころうら たる 也 乎 占 不易方著其恒之體其與雷風之象則其所取殆有 位矣而其德不恒六五其德恒矣而又不能无凶 因中而可求正一則處中僅能亡其悔也曰九三當 安其常是亦不易方之義豈必膠于雷風相與之義 異于彖傳之所云矣蓋震剛居上異杂居下二者各 日三雖當位而失中五雖恒久而失正蓋恒之為 異何也日恒以失位為悔此以居桑為吉故一 日恒九二日悔亡大此九二日貞吉文位既同 **!!!** 易學變通 則 何 而

對成四月月 道 差 盍 然盡成之道者惟聖人感人心而和 之六久无有能盡恒之道何也曰不特 恒骨失之矣日他卦因中而可得正恒 之至此豈常人所能及哉故初 日 則非可恒之道矣此所以非他卦之可比也曰恒 恒之道者惟聖人久于其道而天下化成乃為 恒之道天下之定理正其體而中 **愆于正則雖中而失其恒過于中則** 发四 則泥于常而不知 平乃為感之正 其用也毫釐有 恒也雖成亦 則 雖 不然何 正而拂 烜

 とり車を書 恒九二悔亡大壮九二貞吉 解初六无咎易中惟此 四 之凶則行失其常者也至于三得位而不能安其常 上則厭于常而急于變者也二之悔則處非其常 以文為象乎竊皆思之恒之九二以中為恒大北九 三爻有占无象先儒謂象在于爻然何獨于此三卦 O 而得中此二爻取中之意重故不復言象而九二 則失位而不能有其常吁此中庸之所以民鮮能 易學獎通

遯 或問始之初六固小人之象逃之初二乃為君子之 陰也故皆取為小人之象若逐之二陰雖以全體 象何也日始之一陰異之陰也猶否之三陰則 今九四既言解 而拇則初六可不言矣 即為中之象也解之初六居下而應于四拇之象 則為小人浸長之勢若以及義推之則固為民 除是爻雖陰而體 則陽也故朱子于逐之六爻皆 坤 論

**炎包事全書** 则 取為君子之象者以此故也曰初六之遯亦已危矣 變易也曰諸及皆言避惟二不言逐何也曰乾體 乃謂之勿用有攸往何也曰遯之在後固已危矣然 取之為正他及取之為那者不可以執一拘也况 初文无位可以晦處而俟時爾非若當任而有官職 三比于二則為係九五應之則為嘉此象之所以為 好則又視之為小人何也日易之爻象固有本文 不可不往也曰六爻既皆君子之象然三之係四 易學變通 **x** 九

金グロノノン 舴 所以戒之也遯以本文取象六二以桑居中中順不 逃六二執之用黃牛之草草初九聲用黃牛之草草 志未見于行事故不以遯言之 爻刚健勇决逃之見于行也內卦六二雖有必逃之 失故執用黃牛所以勉之也 離 九欲其固守于未革之日也然黄牛中順之象草 以為固也逃之六二欲其固守必逃之志也草之 體取象革初九以剛居下中順不足輩用黄牛 

大壯 晉 明夷 という 日本 となら 戟 之明一卦之解何也日爻解雖明夷之象而未盡 子之明夷周公既取之以明一久之義而夫子又取 以為既四國者以其位之高也非其德之明也日 問 非可以常道言也其取上六者暗之極也然小象 明夷不取五為君象何也曰明夷之君理之變 易學變通 箕 艱

金牙四五百十二 又居近君之地故有內 非 貞之義故夫子係之彖傅者蓋五以上六 明 ٢t 九三南 之象也上進而見傷此垂翼之象也然傷 日 (矣且處 初 其與文王並言何也曰文王守其常故足以盡 之義其子處其變故但足以著一及之義也 九之象其能明何也日 狗之比矣此夫子所以取之 明 非 共 位 而 難之象則 中 順不失又有正志之象 明 夷之雅 非 六四可出 同 艱 陽 體 而未 貞之義 性 2 門 欲 親 則 庭 曰 上

To 10 not kirking 權 時 吉 乎 正三則既履其變要在不失其正酮蓋雖有體 九歷三文而至四卒不得食困之極矣且其所 Ė 猶有君子于行之象但六四為初九之正應故 六二為內卦之主欲阻其進而不能是以不能 则 日貞正也非有二也但王則雖遭其變而安處 具而正因之守則一也此聖人之戒也尚為 亂 曰 然則六五之利貞其與九三之不可疾貞 臣城 子接迹于當代皆以明夷南 易學從通 粉為之 袓 經 其 口 同 无 不 達

家人 金丘四月五十 火 或問家人而取 異女居尊離女居早長少之正也二四得 正也剛梁正應則人匹配之正非 實其可我 象失位故 不成配偶 而出然離火之城亦自異風而 日家人乃二女同居之象及有取于女貞何也日 風火之象何也日異風之生固自 四 而成敗也日六久之義可得 明内外 如 位 相資之謂 文象 倫 離 2

Ja In al Like 盖二无遂不流于司晨之遇五之交愛不失于私 詳手日上九與初固為家之始終然亦以家之上下 李日上之威如固嚴君也初之開有家非克家之子 失言也蓋婦子嘻嘻家之所以失富家大吉則家之 言也蓋爭而威所以正于上閑有家所以御其下也 之偏也九三六四固亦匹配之義然亦以治家之得 九五六二固為內外之正然亦以刑家之中正言也 以得也日然則父子夫婦兄弟之義何以取其象 易學變通 暱

**新京四月百十** 居 矣 有 此 乎二五之配固為夫婦然五之有家親親之道盡故 炎則 · 鳴鳴嘻嘻之象何也曰九三居至體 毙 日 肵 以友其第三之鳴鳴敬長之禮至則 财 六四而 無所耗附于內則 體 以一家之倫理正而天下之分定矣日九三 鸣 則異于外矣下應初 鸣 有富家之象何 矣 然亦正居互坎之內坎之流 发四 財无所蠹此六四之所以富 ナし 也日家之所 則開于内也異于 有以恭其兄 重離之間 以富 則嘻 者 而 嘻 四 火

といり日から 解 寒 睽 或問解之成卦動而免于險也而卦解乃曰无所 之初也家道之未成也故開之于事未然之前僅足 其來復言何也日動于未出險之前則固可出乎險 以亡其事已過之悔未足以言吉也 也日五交皆有吉之占惟初九不言吉何也曰此事 易學變通 袓

金牙巴屋人 擾之 枥 解 難之中然使不能安定于既解之後 天道言之則氣之解 解 无咎以其正應為九四也 不 惡之義何也日當解之初 2 功 極蓋暴傳 及聖人之 者莫大于赦 其所主固不同也日 解 推 宥 赞解而不及夫義與用 其所以成 发四 此 者莫大于時自人事言之則 录象 解之录傳赞天地 解之功 級 以柔 所以各發 九四之 而 而 則亦不免乎煩 應 卦 解 剛レス 一義與曰 醉 何 拇 也 明其處 下 則又為 之 曰 而 事 解 自 初

則 獲三孙復以黄矢為象何也日九二大臣固以去 乎故必有解拇之象則必有朋至之字矣曰九二之 上以小人而順手君子在初六則為无咎矣若九 律人也曰三狐之象指三陰也然上六之射隼獨以 媚為職然亦必以中直為本也蓋律于已者然後能 六三言之何也日六三居重險之間東九二之上 所處不同豈可以小人之順從而忘其解去之心 人而臨君子乃敢修然而乘君子之器故必獲 びく 捓 四

**人已日日 在村** 

易學覺通

<u>+</u>

損 金月でたんご 或問損益名卦之義尚有可推之理乎曰諸説或自 其所應者去之所謂以賊去賊則獲之易矣 日上六非公也以其為公之用也蓋九四近君乃上 公之象其六三必用上六以去之者去惡之道必用 而 而通矣惟于卦變之義則有未盡究者蓋自乾坤 卦畫言者或自卦象言者或自卦位言者固皆可得 後為解功之成也日上六无位乃為公之象何

父已日日公本 變而為泰否者以天道言也自咸恒十變為損益 手蓋卦變之說不拘一定如損益二卦雖于諸 極 以人事言也然天人一理未嘗不相關也故 れ 謂貞吉亨者也已有泰之基豈非否之一變則為益 可變也然惟于否泰而來乃是損益之義不然 上而為 則為損乎益自否來則是初六一陰變為君子所 則上六一陰翩 四為五 胡不 然下復已有否之漸豈非泰之 易學變通 謂之損損上六下而為 损 三為 卦 椇 自 既 者 泰 智 初

我厅里在 有量 為 則 者或時之過而益之或事之過而 无 為 无咎九二則征凶何也日初 不能也盖在己而有享則有以 胡 有 恭九二大臣當以守正居中為重以說道而 咎于理可貞于時 自 以信乎上夫如是則于事可得元吉于義 不謂之益乎曰損之道而貴于有孚何也曰 損而不足以益君其凶必矣曰損者 发四 則利有攸往矣初九以過往 九无位故以趨走永 順 手 制之皆非孚信 理在人而 樌 刚益 有孚 徃 則 為 梁 摜 者 順 為 則

De la mal du duran 實矣不然三四陰爻何以皆言損而不言益乎 益下而自損損其陽剛之德則又失其所以為上之 天下之益然受益而无益夫民則固无恤下之心尚 喪其所守則有惡邪之失矣上九雖 當損之時故于初九義之當損者猶斟酌淺深之宜 何也日此聖人扶陽抑陰意也蓋陽剛本不當損 如二之于五則必守其剛中之賢乃所以益其君若 一謂然初九則謂之酌九二上九皆謂之弗損益之 易學變通 居損之時而受 十四 以

益 多分で五人 戟 桐 言 蓋三陽盈于內則為泰泰之變則損矣三陰虚 則 問損益專以人事言乎曰損益盈虚天地之道也 何也曰損之剛 然變盈流識是亦盈虛之象天地且然况人手曰 否 則是月 バ 剛往柔來盖以柔往 否之變則益矣故山澤之損雖以地道言 盈 則食皆 徃 发 雖 損益之象雷風之益 剛 非 來然暴解皆係 所 利 然當損之時受益 雖以天道 ス 利 于内 然 有 E 攸

大巴马東全書 一 為益于是中正有慶而益道行則柔之往安得不為 之桑祖雖非君子之道然卦本為否因一柔之往 而 也故此卦動吉靜凶以卦體然也故初之大作其周 聖人不廢也况以互坤為國為眾下有震體動之象 公作洛之義與六二之享帝其用牛于郊之義與六 乃勞民而非益乎曰益下之事雖非一端義有當然 利手日益之為卦初大作二享帝三凶事四選國 上况一人之行而得其友此剛往之所以為利也益 易學變通 力 毋

言享帝益之六二既言十朋復言享帝何也曰君固 損 損 民哉曰損之六五言益而益之九五不言損 徒與以此一事証之則无非益下之事周公豈為 十朋之益由损道而得之也蓋凡減嗜欲損聲色皆 三之用圭其件來獻圖之義與六四之選其殷民之 乎此九五所以不言損也曰損之六五言十朋 而 也 非 可以益乎下也所 必 損民力之為損也若有孚之應 謂因其利而利之豈必有 则 何也日 不 必 所 厲 損 不

何所指乎日此通論為民上者之戒也夫為上而 即九五於之各自其所主言也曰上九之求益不己 之當益之時以上益下惟係手上之誠否何如爾故 بط 日損之卦解以有孚為主益之及解亦有孚為主何 而言元吉在益而日永貞吉則君臣之分蓋可見矣 可以兼乎臣之占而臣不得以偕乎君之義故在损 損之時損下益上尤貴于上下相字故即录解而發 日損益之卦陰陽相應陰虚陽實彼此交孚然當

火已 り事全書

易學經通

十六

烜 能益下反有求益无厭之心則是爭闘其民而民亦 起而争奪之矣况為上而欲專利者由其立心之不 也恒則安常守正不恒則反道敗德其凶必矣

夬 大三日十七十三 神 下經二次至良 欽定四庫全書 或問夫之彖解既以為利有攸往而爻解則初之不 勝二之楊號三之有凶四之次且皆不見其有利徃 易學變通卷五 之意何也曰卦辭以全體言之則剛長有可進之理 爻辭則惟九五夬夬合於中行之義其餘或過剛或 易學變通 亢 肖贯 撰

金河区区 月雪里 中既不過於壮亦不偏於私或於莫夜不戒之時設 有兵我之及先事而能戒臨事而不擾此所以无患 獨柔或偏者雖居尊而有覚陸之感惟九二居柔得 也夫居夫之時恃剛之過者雖居下而有前趾之壮 之所戒也曰九二之象何所取乎曰此皆意中之象 不正或居中自守或居下妄進皆以恃剛輕動聖 也豈非以意而得其象乎九三之應上六九五之比 上六宜有各美反以无咎何也曰三以應而不能不

.

たれる事といから 陽剛之位故能夫夫而釋遇雨之嫌至於五之見覚 有愠者雖不无眾陽之非議然以乾健之性且不失 應猶為剛柔之正五之比未免私睡之嫌矣故三之 於中行而无咎何也曰三五之夫夫雖一也然三之 其陽剛得位故皆能致其夫夫之勇而有以免乎谷 濡於陰五以近而不能不感於陰皆為有咎者也然 也曰三之夬夬不免於有愠而无咎五之夬夬猶待 則不无偏於兄說之感但以得中得位故必合於 易學變通

金分四月五十 姤 皆有難辭何也曰此聖人之遠慮也夫小人當窮極 或問姤之一 除未去聖人安得无孚號之屬哉 中行而後可无咎也曰上六一陰決之易矣然諸爻 之時往无所之或至決下策而致大變者有之此聖 八之所危也況姤陰雖微聖人猶有躑躅之慮則夬 陰雖微而一卦之全體變矣盖陰陽之 ,陰尚微也而录以女壮説之何也曰姤 理來者

使君子能有回天之力豈不可易亂而為治乎然獨 義之大而臨觀夫剥皆不言何也曰此聖人之微意 剛柔消長雖天運之自然然君心那正實人力之可 章以待自天之陨者安得不望於九五乎所以然者 為主則往者為賓今五陽雖眾不得而主於內則含 也蓋時義之大者以其所擊者大也是時陰方浸長 亂為治率不若自天之順乎曰始逐二卦夫子贊以時 致使九五果能以把包瓜制其潰於方長之時則反

大王司事 红色

易學愛通

猶不能无望於則陽之在內者也嗚呼蓋至於剥然 子猶有在朝事猶可幾其成也至於否則內皆小 言於好趣者好則二陽在內趣則 後歸之天行聖人之心殆以始而未至於否道猶未 而 扎 可謂之消否而未至於剥事猶未可委之天也此豈 之貞吉九四之應初六正應也而反謂之起凶何也 君子外矣故聖人於此方繼之曰君子道消前此 扶陽之微意與曰初六之遇九二不正也而反謂 陽居中是以

金グロルノニ

长五

欠正日的一个 萌能貞其所守則小人變而君子豈不可以吉乎故 制之則二三之權其為惡可勝言哉曰包瓜之與包 而妄爭是凶不在彼而在我美曰九二之无咎者特 不正之應而私於不正之遇義不可以復矣若又起 必矣若九四之起凶者此春秋責賢者之義也失以 猶人心之邪欲方前能貞其志則天理復還而吉可 以制之在已也制之在已則有以禁制其邪心无以 曰初六貞吉猶否之初爻貞吉亨之吉也蓋陰之方 易學變通

莽 金万口周月十二 或問萃之象可得而詳乎曰以卦體言之則坤地之 蓋姤之五陽惟九五猶能盡中正之道上下四陽蓋 係睡之私也包瓜者制之於下以防其躑躅之勢也 魚其義同乎曰不同也包有魚者包之於內以遂其 波顏風靡皆非前日羣龍之盛矣 廣而阻之以艮山之高以異木之繁而臨之以名澤 之深是則山林澤敷乃庶物之所萃也以卦義言

られている いたう 義馬蓋萃之以其道則澤於地無潰裂之患萃之非 萃為君臣同德比則二五相應萃為盛於比然乎曰 此所以東心萃而不可離也曰萃與此先儒或有以 其道則澤潰地海且有土崩之勢此先王於大象警 比者水比於地上下無間之義萃則澤在地上兼二 則上能以說道使民故下能以厚德載上上下感應 所以防其萃者遠矣夫豈此之建國親侯之此哉曰 之以不虞之戒而於九五必厚之以元永貞之徳蓋 易學愛通

金分四月至書 萃以利正為本然初六之於九四六三之於上六未 為正也乃謂之无咎何也曰萃之道固利於正也然 有朋友之萃若三上嗟容雖非得意然友道之合不 有君臣之萃二五交孚乃萃之正也有夫婦之萃若 厭貧交此所以雖無所利而亦不至乎有各也曰萃 初六號呼雖非正道然剛柔正應亦不害其為義也 何也曰彖言用大牲者所以明豐萃之報自一卦 之時用大牲者順天命也而六二之用橋乃得為利

いたり ちょう 一切 貞之望豈容以大吉之占而侈其心哉 為悔亡何也曰九四之大吉者政所以為九五之戒 有其宜也曰九四非正乃得為大吉九五正位僅足 用言也盖萃亨之盛固不可不盛其報然結君之義 有無疆之恤聖人方致其匪孚之戒而重之以元永 至於五雖居尊位有以聚天下之衆然有無疆之休 用言也交言利用衛者所以貴交孚之情自一文之 又不可不盡其誠如坎之用在損之用亨其豐儉各 易学处通

亨祀之報而後足以維持天下於悠久此聖人為後 有孝亨之誠而後足以一天下之歸向及海而已萃 未萃之時既以假廟立其本者所以明齊海之主必 萃王假有廟海王假有廟萃有七廟之象海有五廟 但海者未萃之時而萃者既海之合故聖人於海而 世慮深矣 之象固也然有廟之假係於卦之名義先儒說詳美 之後復以假廟保其基者所以明致萃之君亦必有

たこうしたいう 一 孚於二則利用衛也升者進也所主在於九二故二 蓋萃者聚也所主在於九五故六二言字者言君心 吉則无咎也升之二五失其正為九二者使非孚誠 萃六二孚乃利用禴升九二孚乃利用禴二爻辭同 之交則未能无咎矣然孚一也而其所主則有辨馬 皆以其正非有咎也所謂无咎持人臣之職分當引 而占異一則先言无咎一則後言无咎蓋萃之二五 之字者言臣心進而字於五則亦利用瀹此二爻所 易學變通

或問萃與升反體之卦也然表則皆言見大人何也 聚也故天下利見有位之大人而後足以聚天下之 天下之治此大人之名雖同而實則異也曰然則爻 **眾升者進也故人君用見有徳之大人而後足以進** 日萃之大人以位言而升之大人以德言也蓋萃者 辭皆言利用禴何也曰萃有誠意聚合之意則君臣 以不能無辨 丧. · / / / / / / / 之象乎曰此皆取兇為象也夫名為西而伏乎艮且 升之象矣升六四與隨之上六果何取於亨于岐山 而通于君六四之亨則升而通乎神雖不言升而有 交孚則一也曰二四不言升何也曰九二之孚則升 象為巫又有通乎幽而說乎神之象况隨之上六固 之子亦不以備物為禮也此二爻虚實雖殊而陰陽 之字固不以盛禮為貴升有誠意上通之義則上下 一爻正居伏艮之上則山之象明矣然免者說也於 易學變通

困 或問柔揜剛之爻他卦皆然何獨於困發之曰困承 為誠意之極而升之六四正當互體免說之極軍 義也曰困之大人吉以剛中也然二則征凶五則劓 有祭享山川之象也 坎矣以坎之陽又掩於允此所以爻亦有柔擀剛之 乎升升而後有困也蓋陽德方升而遇坎則已陷於 別何也曰自二五而言固有大人之象自爻畫而言

7/2.10 mat /1.1.1 險以說者言雖陷乎困險而樂亦无不在馬若有 能不困於上也曰大人處因而不能出乎因何也曰 毫求去之心則是不知命者夫豈君子之心哉曰九 則又有柔揜剛之象故二則不能不困於三五則 雖因於上而朱級方來然臣則陷于下而不能免於 故有說乎二然二居險體則不能濟乎五此所以君 **外約而濫者聚人之情處困而事者君子之道故曰** 二朱紱方來而九五乃困于赤紱何也曰五居說體 易學變通

赤統之困也蓋朱統之來者五有往求之心而赤統 因九二利用專祀九五利用祭祀專祀祭祀先儒或 得顧乃淫刑以逞此赤飯之所以困也 心故困極而事則徐有說矣曰九五君象而有劓 之困者二有征凶之戒也然致命遂志者九二之本 以事祀者人臣所以事宗廟祭祀者天子所以禮百 之傷何也曰此五之所以取因也當因之時志有未 然諸卦之二五不發此義而發於困何耶蓋謂

くれつい 王於周公亦有和鬯之禮此君臣所以交孚而致成周 可通矣此所以周公之於成王必有事上之誠而成 用祭祀之誠以求助於臣則臣心以合而九五之困 君也使能用事祀之誠以求通於君則君心以孚而 九二之困可通矣君而困於上者弗獲乎臣也使能 利用者乃因而求通之道也臣而困於下者弗獲於 之治也與 たいかり 易學變通 +

多分正月在書 異也曰勞民勘相何所取於井乎曰勞民取上體 或問水生天一本皆陽也然井以陽剛為泉則陰柔 井泉之冷暖以冬夏而具也九五獨曰寒泉何也 為水乎曰自五行而言則水固生於天一然自水泉 而分則水者質之已具泉者脈之方生故以六爻言 卦之泉而二三又為陰卦之泉此所以有用舍之 則三陽為泉三陰為井然又以三陽論之則五為 有養民之衆勸相取下體之井有相養之義也曰

井道之成也曰爻辭既有勿暴之吉而彖辭乃有羸 吉何也曰井冽寒泉自井徳而言故但言食而吉在 瓶之凶何也曰文王之易懼夫當其位者不能勝其 故九五之寒泉指夏月之寒泉也況以異互離正南 其中井次勿暴自人事而言故必有乎而後元吉此 用莫盛於此時也曰然則五不言吉而上六乃言元 方火盛之時以離遇坎又水火既濟之象此井之功 井之養人固无冬夏之殊然井之濟人尤莫盛於夏

大三日馬 八子司

易學愛通

革 金月日月月十十日 或問坎離合而為既濟名離合而為革其取象不同 任周公之易嘉夫當其任者有以成其功此所以 能相交而有相華之象也曰六爻之華果有序乎曰 何也曰坎離火水之正也故其相交而有相濟之理 則致其戒一則美其成也 紀非 水之正固不能濟乎水且 紀離俱陰故其氣不 初之鞏用固未可行也二則可以行矣然必申之以 卷五

變化也蓋革之道所係至大故必要其始終本未而 こうりしたかう 曰革之道貴於中故初九取黄牛象惟恐其過與不 備言之曰六二征吉矣而九三上六皆言征凶何也 其有虎變之文而後在位之君子在下之小人從 獲改命之吉而後可升於九五之尊位既居尊位必 於當革之際而革之以剛躁之過則凶而厲矣上 及也二之征吉五之虎變得其中者也三之征凶者 九三之三就必其有孚而後可進於九四之改命既 易學變通

皆以有字言何也曰此聖人慎重之戒也盖革言三 日其與家辭之已日同乎曰亦不同也家之已日者 之征則是於既革之後而復為煩擾是亦過於中豈 既華之日也及之已日者可華之日也曰九三九四 至於三則非惟孚於人而已亦自信之矣曰六二已 不為凶乎曰九三復言三就何也曰正所以救征凶 就亦審夫人心之孚矣至於改命之際又必有孚而 之弊也蓋三之征者以離火之性行之也使能謀而

罪 とこうしたいう 或問罪之录傳取柔進上行之象何也曰此取成卦 者由其有黄耳之象此五所以為縣之主也曰縣 也此夫子所以復係以信志之辭也 自審者聖人順天應人不得已而華馬必其如湯武 之救焚拯溺東征西怨天下俱信非富天下而後可 之主言也曰然則縣之五何以為成卦之主乎曰縣 之所以能元亨者由其有上行之用而其用之能 易學變通

我好四月五十 象乎人也初而趾中而腹上而耳目則全體之象明 為象可知矣曰大象所取則又取於端正安重之象 矣故大象正位凝命亦自人君之一身而取則罪 耳目聰明之象何也曰鼎者象也非徒象乎器亦以 耳金鼓者罪之用也體則安重為貴故罪之足不宜 何也曰此體用之說也蓋正位凝命者鼎之體也黃 六之顛趾者非九四界之也固以初居異體其性務 用則以上行為功故縣之耳則貴乎動也是以初

たとりら さまう 故折足則不免乎凶所以然者初居无位之地而 大吉无不利之辭蓋可見矣曰初六九四顛折 自舉而上九陽剛則有以成玉銨之功此聖人係 乃大臣之位也曰九二之視初六為仇何也曰此近 有實也故出否乃所以无咎四居罪中實既盈者也 而初為无咎四則不免乎凶何也曰初居縣下縣未 往来於四此趾之所以顛也六五之黃耳雖不能 不相得之文也蓋二為有實之位而初有顛趾之 易學變通 四

多分四月白書 成雨矣若見三之遇於六五為陰陽和之雨則五非 為雨矣然鼎耳有終動之理蓋三之動則為互坎而 行塞者以无應於上也无應則陰陽无自而和不能 四之凶矣曰九三而有方雨虧悔之象何也曰三之 疾二茍以同體而此則必覆其鼎實而亦不免乎 子之易則所謂得中應剛是以二為鉉也然變易之 果局從乎曰主於周公之易則五以上為銨主於去 相應之文陰陽何自而和哉曰六五金鼓本義二 一説

震 大元司馬とき 或問震之彖辭獨以初九為言何也曰上下雖皆震 内之象故為內體之震而外體不得而主也以爻辭 體然震動之勢自下而來則初九者一卦之主也四 義俱可通也必欲偏主則泥矣 雖居乎外體然互體為坎陷於二陰之間此震之所 震得无有並嫡之嫌耶曰以卦象言之則主祭者在 以泥也曰震為長子固以守宗廟社稷也然上下俱 易學發通

也盖主器之重其任非輕故聖人於表解致其微就 喪有事何也曰五雖不當三四往來之地然上體 震将往而下體之震方來此所以為属也无喪者 之戒而復於初九申之以見前之所謂恐懼修省不 嫌疑之意可見矣曰六五不當往来之際且言无 初九係之以吉又以見主器之初在於一人其以 比學惟主於初而他及不得與也况六爻之中 則就統而恐懼者主器之道亦非九四之得與 卷 火足马事全里 一 中反不免於喪貝何也曰二五之所乘雖皆陽則然 其事在中意以此與曰五之以中故能无喪六二得 震也此二五之得喪所以有輕重也曰上六之與六 六二之所乘者號號之震而六五之所乘者遂泥之 失乎中有事者能有為蓋亦行中之事也故小象曰 有言卦謂之有言者非其正也非其正而婚媾馬豈 刚柔之匹配言然震之上六使其獲正應則何至於 三俱柔也乃有婚媾有言之象何也曰婚媾者固以 易學發通

或問本義於彖辭既釋之以止而止復謂之行而 能免於公論哉蓋九四之求匹則非其正初九之 配 是於行之中亦不失其所止之象此所謂行而止 所是於止之中又得所止之象所謂止而止也 何也曰此以內外卦言也蓋內卦了 則 陽有止極而動之象然內則无所應外則无所 非其應此本爻所以為征凶與 陽當位止得其

たとりりとう 晦之位而未及乎身之限也但良以背視取象故不 胸者正當乎肯之位也今良以五為輔則六四當乎 安得不至属薰心乎曰六四當上下之際反為无咎 則九三正當乎上下之際於此而艮止則上下判隔 曰九三既得所止而又不免於列夤之厲何也曰析 曰胸而曰身其與家之艮其背者微有辨故敦艮之 何也曰以成之取象証之則成上為輔而成五為胺 體而觀則九三之止為得所止矣若總其全體而觀 易學變通

然止之極而不知通變之用亦非人道也曰敦臨敦 處何如爾客可處於薄乎 者臨是也厚於治已而已無不修者艮是也人顏自 良皆吉何也曰敦者厚道也厚於治人則人無不服 吉歸於上九而此爻止係以无咎蓋可見矣曰上九 不自人身取象何也曰人之所履固不可不止其所 艮其背艮其身艮其背與艮其身似同而異蓋身非 止而不動之物惟背者能止之物故艮其背者於常

惟背則靜亦止動亦止乃能盡乎良之義也故六 不同也 足可斯全學司 而能有所不為也然雖有當止之時而無終止之 之中惟敦艮為吉而艮其身僅可无咎即此可見其 止之所而得其所止之義也艮其身者於當止之 易學變通

1120	ALCOHOLD COM	THE PERSON NAMED IN	nate placements	and the same of the same		The state of the s	K.02.7 48	=
		Ī						A
H	-				ţ			יע
H	1						·	1
	- [	1						12
	-	1		ł	1	1		li
	l							金少四月月
	- 1	1						1:
								بر
	1	1			1			Ľ
	1	1		l	l			V
		İ		l	l			۶.
					1			
	- 1	1	ł					
	.	1	l	}	1			
1	- 1	i			ł			k
	1				١.			長丘
	-				İ			-
	1			}	1			
11	ļ		i	İ				
	·			l	Į			
	1				l			
					1			
	}			ì	Ì	'		
	1		ļ	ļ	ĺ			
					1			
			(					
			1					
			l					
8	1 .							
	1				1			
1		1					}	
		1						
ا		·					r	7.

易學變通卷六

膳録監生臣李兆文

通政使可副使日真婚蒙覆勘

詳校官太僕寺少卿臣李廷欽

火足り事を見 TO THE REAL PROPERTY AND THE PARTY AND THE P 易學受迪 西由內而外是亦夫婦 除是亦親迎之象也曰 象論之則艮男下 外夫婦之義也以 曾買 撰 卦

金グロ 變之說也蓋泰辭惟取女歸之象而表傳則又取男 女之象也故自否而變則六往居四而當位為進以 **录傳既謂之進得位又謂之進以正何也曰此亦** 于下文復中之口其位剛得中者以見進而得位為 男進得位則有以儀刑而收正邦之功此所以夫子 之象乎是則女進以正則有以宜家而為正邦之本 正之象自旅而變則九進居五而以中豈非進得位 九五而自別于六四之得正也曰鴻漸于陸本非失 表六 卦

157111

ころこう うここ いとう 婦然自本交視之則所謂進以正者正指此爻故謂 出人位之險矣故曰得其稱猶言險中之獲安也曰 之于木之漸雖非鴻之所安然其視于陸之漸則 四反為得桶何也曰自九三而視六四則為不育 以人位之險則鴻漸于此其不罹繒繳者鮮矣曰六 所而本文之凶為甚何也曰三為人位而互坎為險 聖人設兩端以垂訓也蓋三四非正應而合則 三取婦孕不育而九五復取婦三歲不孕何也 易學變通 曰

銀分四月全書 牵強破碎至取互坎而為漏胎之象乃不經之尤者 離之象長所以者直非有六四異順之合乎五之所 終莫能勝以見正應者雖問而終合非正應者雖 孕而不得育二五以正應而問于三四則雖不孕而 而 以不孕者豈非由六二艮止于下而失所願乎胡氏 終凶此女歸所以利貞也至于取象則固取于五 合

欠三百百 熟為當乎曰歸妹本有征凶之占聖人於大象所 安得而不凶且凶而謂之征凶者女征則凶此非 或問漸之征吉而歸妹征凶何也曰漸以艮止於 而終有敝也君子體易欲有以永其終則當知其 理况於以說而動者乎曰歸妹永終知敝程朱之說 奔之義乎蓋婚姻之禮未有男不先于女而女動之 而異順於外安得而不吉歸妹以說於中而動於 反其山而為吉者也蓋歸妹不能永終者由其不正 7.7.5 易學變通

變其常也曰三之歸妹以須四之歸妹愆期皆非 放者皆當知其敝而後能革其敝也曰九二取 其无明夷之傷乎故上无明君則抱道之士寧守正 而戒之矣以此而觀則天下之事凡欲求其終而无 正豈惟失身喪已而有枉道之辱而庸君誾主寧保 之象何也曰士之從君猶女之從夫也使其所從非 姻之及時也然及有得失之異何也曰三以陰柔説 不偶未得害於義也此九二居中以貞所以為未 丝

小火之口事 白生司 一個人 體欲動之急乃須時而不能待所歸故寧自賤而求 待其所歸之正不至有失身之悔矣此二爻乃聖 德而无正應雖不无愆期之嫌然其志則有守故能 欲歸之速此彖之所謂征凶者正指此爻也四以 設兩端為訓以見急於自售者必為人所賤而剛 日无攸利柔乘剛也然六三之乘九二雖不係以吉 自守者必能得所歸禍福无不自己豈不信哉曰彖 凶而六五之乘九四乃謂歸妹之吉何也曰彖傳所 易學變通 陽

豐 金少巴屋白雪 者三也感於外而說者亦三也以不當之位而征者 義表之為女徳之盛則其為歸妹之吉不亦宜乎 剛位此皆女德之不正宜其征凶而无攸利也若六 係專指六三也可見矣且以卦而言則是陰柔而乘 亦三也故小象係之曰歸妹以須未當也則彖解所 謂征凶无攸利者專指六三言也蓋居內而為死主 五雖乘九四之剛然居尊以中殊非六三之比此本

The simple of the same 或問明居下體承辭乃有日中之象何也曰以上 過于此則反為日景之離矣曰豐既有日中乃復有 為雷互異為風冤澤為雨是當畫之時雷電皆至風 見斗見沫之象何也曰以卦體觀之離明為日震動 雨交作安得无見星斗之理乎曰豐之時而取此象 外之體而觀則如離明于內乃所以照臨于天下若 之體而觀則離明雖居下體而為方升之日然以內 何也曰此聖人為世道計也自古否泰相仍損益相 易學變通

雖見疑然為臣之道不可不盡誠以感其上又于六 保其終也故聖人于六二戒之以有孚之吉以見往 因自然之理也故以明而動固有致豐之道然動極 居上雖有中正之臣而反見疑此豐之所以常不能 而窮明極而暗亦事理之必然也但當此之時暗主 不可不虚已以求其助君臣如是則日中不至于是 而月盈不至于食矣 五開之以來章之慶以見已雖為柔闇然為君之

旅 ていりっています 足蓋致刑者常患於不慎而折獄者常短于不留使 或問豐旅二大象皆取刑獄何也曰豐以內明而 折而能无留則是克允之明洞燭於图圖豈非 其刑之致而能慎則是欽恤之意常行於斧礩獄之 不留而不敢縱聖人於此二象文雖不屬而意實相 動故折之致之而无所疑旅以内止而外明故明慎 之盡其道乎曰旅之時義為大何也曰旅者去其 易學變通

多 戶 四 庫 全書 貞也蓋不得乎中則過高而招禍過甲而免已祭辱 得中乎外又曰順乎剛又曰止而麗乎明此皆旅之 此其時義豈不為大乎曰家之小亨既主乎五矣然 所係也不順乎剛則恃已凌人居下弘上禍患所係 五之亡矢反不如二之即次懷資何也曰以卦義言之 也不麗乎明則失其所宗喪其所主又名節所係也 止離其所居得貞則吉失貞則凶所係至大也故曰 則得中乎外者旅之通也以爻言之則五之得中終 赵六

也何則旅之九四下有應與得其資也以九居離體 用以所應者言也斧者取之以為斷以離異之性言 離體之外失其所以為斷則是喪其斧也一得 旅九四得其資斧異上九喪其資斧資者資之以為 不如二之中且正也况旅之所以吉者又以貞為尚 之上九則下无應與是喪其資也居異之極且又在 之内離為戈兵且火性剛決處事能斷得其斧也異 うら ここう Ī 易學碗通

多近四样全書 體之內旅則有離又无坎體之可互况解之者上六 旅六五射雉解上六射隼二爻皆取射象先儒類以 則聖人係辭之意可見 而隼則六三也旅之射者六五而雉則本體之象也 坎為弓必求合於坎然解雖有坎而上六既不在坎 皆射之義也解則欲必得乎三而去之旅則欲求必 獲其所處之意也以意求象則凡意之欲求必得者 所以然者解以上射下去害之意也旅以中道而射

沙之四車全書 图 巽 或問異之小亨主於陰也而彖傳乃以則異中正為 惟以柔順剛以下順上則可以小事故聖人不主於 得乎五而處之皆射之象也烏可强求坎體而通之 順乎陽剛得位之君則是柔順邪媚之道非君子之 主何也曰異之道為陰柔卑順之道非君子之所尚 六四而主於九五者以見六四雖為異體之主然非 易學變通

金万里人 八十二 然後得乎異之正也曰異風為申命之象可得詳乎 所貴也曰巽而利見大人何也曰大人者有德位之 曰風之為象異入而不驟教之善也行地而不擇化 稱指九五也蓋異順之道易流於甲諂惟中正之大 而六爻之所取者皆卑異之義而不取異入之義何 之周也被物而無心感之公也既出而弗反令之信 人說之不以道則不說故必以異之道異順於大人 此中命所以取重異也曰大象取申命異入之義

少是四車全書 學 義況自二至五互體而為朕則君臣不相能睽乖之 義也曰九五異乎中正者也然及解不言異而言先 意然联之中又互中孚之象則君臣亦未嘗无感孚 乎刚故於巽順之義為重各有當也曰九二之用史 思无人乎繆公之側則不能安其身蓋亦用史巫之 巫何義也曰二與五君臣之位也以剛遇剛無應之 也曰大象隨風之義故於異入為多爻辭取柔皆順 之情但當本之以異順之道申之以道達之言如子 易學說通

金万里五 三十二 寧而申其命後與者所以於度而行其事也然謂之 **再後與何也曰五為申命之主也故先與者所以丁** 有不順於變之後此革之表亦曰已日乃乎此之謂 無不順是有終也盖人情固有未孚於變之前然未 无初有終者先與而衆未有学是无初也後與而下 解之九二日田獲三狐異之六四日田獲三品三狐 之家朱子始以為未詳又引或曰云云謂即四陰文

こう 離戈兵而用於水澤林數之間宣非田之象乎 位且居下卦之上豈非賓客之象乎况二卦皆以至 盖主後說三品之象先儒或以初六與已配為實九 而上應乎君則又為充庖之象明矣若九三處於 九居互離之上為乾豆之象明矣九二以互點之體 三陰則孤之象也今異亦有四陽除九五為君則 之取三狐之象推之則以卦有四陰除六五為君餘 一應九五為充庖九三在下體之上為乾豆然以解 易學變通

兑 多定四年全書 或問異免皆陰卦也然異小事而免不言小何也曰 非其正故戒以利貞而其亨在剛此所以異言小專 巽之柔居下而能順乎剛故亨在柔兑之柔居上而 言身兒體剛中而柔外是陽有浸長之理故不得而 言小事也曰二五皆言孚惟五則不言兒何也曰 曰巽體柔内而則外是陰有浸盛之勢故陽不得而 而兑不言也曰巽之二五亦剛中而不得為亨何也

こうう たら 悦不感於六三之柔邪五之字者戒其輕信小人 而引上之說是欲導其君於說樂之私也然九五陽 居位不正則其求説於下者取凶之道也上六居陰 免說之主然一則言凶一則不言吉凶何也曰六三 不失乎君位之中正故於五不言兒而言属者政以 上六方以說道而逢君苟或蔽於欲而說之則安危 之勢雖未著而安危之基决於此矣曰六三上六皆 五言子者俱以中實為字也然二之孚者以自信 易學院通

浜 銀行四月 全書 或問海之卦變以程說則變自否來以朱説則變自 漸來果熟從乎曰卦變固無一定之拘然以文畫推 剛中正有非那媚之所能感故為上六者徒見其未 所謂奔其机謂之柔得位乎外則六三非得位之正 光大而已至其吉凶則係於九五之從否何如也 則程說為勝蓋謂之剛來者自外而來即久辭之 非外卦之位乎蓋漁之所以亨者有小大小者

たとりもとき 亨乎已不若六四得位上同乎五則有以浜其羣而 海乎一已之難五則有以聚乎天下之海此則位有 事美曰然則六爻之義可得而推乎曰初能拯於涣 重畫之義有未盡合而於亨通亦未足見其為海之 致天下之事矣設使六三得九之位而同乎四則於 身之事大則天下之事也今二剛來未離乎險僅足 上下之辨也三則有濟海之志未能成其功四當濟 之初上能出於海之極此則時有變通之義也二則 易學變通 +

白 プロル 人口間 裁故曰匪夷所思言出其類也 所向宜其非諸及之比美且變自否來由否之二 也曰四雖陰柔然其位則近君之位德則異順之主 六四陰柔非有濟海之才而元吉之占獨歸之四何 海之任有以成其業此則位有當否之辨也曰然則 也當海之時上能順乎中正之君下能順乎民心之 海初六用拯馬壮吉明夷六二用拯馬壯吉明夷 而居於海之四是其超出夷等夫豈下體二陰之比

たこうしくこう 險中有北馬之象宜其能拯之也 能拯之耶蓋明夷者傷也海者離也皆患難之時聖 例 助惟近取剛陽之爻使之得以免禍此爻辭中之變 之初拯之者以九二之則然坎固有馬之象何獨於 卦言之且明夷之三海之二皆陷乎險中何自而 居互坎之初拯之者以九三之則與初六居坎體 以二文皆柔弱不能以濟難故不服遠求正應之 也若夫陽剛雖陷於坎險然互震於上是能動乎 易學變通

節 金万四四月月 或問三陰三陽之卦皆自否泰而來獨於噬嗑節卦 於內則為節溢於外則為過節矣曰初九之不出户 受噬而善者乃所噬者也節則以剛柔而分內外止 而言剛柔分何也曰噬嗑以剛柔而分善惡故惡者 以无咎九二居中有位者也是義宜有為反近説於 居節之初無位者也是居不當位故不出户庭可 何以為无咎九二不出門庭何以反為凶乎曰初 卷六

欠とり事 台上り 或吉何也曰坎居澤上本非能節然兒上互艮有止 故又為安節之事獨六三乃名澤之主失其中正故 所致也曰九五居坎體未出乎險也謂之行有尚何 曰又誰咎也以見三之不節乃自取之非其上下之 雖居互艮之下而不能止其澤中之溢矣故小象繫 四九五皆以坎爻居於澤上非能節者而爻辭或身 六三而不應於九五失其臣道安得不至於凶乎 之象故五為艮主而為甘節之吉四居艮體而當位 易學變通

金万里匠 節初九不出户庭无咎九二不出門庭凶初九九二 聖人 皆以剛居下體皆以免體居內皆不出門户之象然 節而取通義何也曰節之道貴乎通也使節而不通 則是不可貞之節夫豈君子之道哉 在初則无咎二則凶何其象之同而占之異耶吁此 也曰坎水有通之象也曰諸卦之坎皆取險義惟於 有相遠之義也夫初之不出以其居下無位能節而 人係辭所以教人知變通之道於其相近之中而

中孚 欠しりもという一門 小過 或問小過取雅鳥之象何也曰小過者中孚之反體 文王取象之本意也曰內艮外震卦體皆陽本宜 象也於此而不知有為徒規規自守此宜通變達時 之道哉宜其有以取凶也 也中孚者爲之未敷者也小過者爲之已敷者也此 止固可无咎九二以位則大臣也以互體則震動之 易學愛通 十 五 一

金岁四月月十日 能下也上之弗過如雅鳥之離過於上也此六爻之 咎由即過而就中得下也三之或我侍剛而上者也 也故初六之凶由應則而動失宜下之義也二之无 也坎性就下則二陽既陷於陰中所當順時而就下 四之弗過居柔能下者也五之不雨如密雲尚往不 坎也坎以二陰而陷一陽小過則以四陰而陷二陽 義皆由宜下不宜上而取也曰六二之象諸説皆不 巡然泰辭則云宜下不宜上何也曰小過者重盡之

にこうられるこう 能不過乎六五而反居六二之臣位則可免乎咎矣 夫六二以雅鳥之性志欲上進過乎五而遇乎上 位以陽位而尊祖之象也上六以陰居陰此之象也 陽爻亦非尊位豈可以為祖乎蓋五雖陰爻而居陽 與上六弗遇過之同乎曰九四之弗遇者弗過乎 明何也曰本義以五為君而復以為她可乎且四 此聖人所以設兩端以為戒也曰九四弗過遇之其 小過之時不宜上而宜下況以臣而不可過乎君故 易學變通

銀好四個人 不及其君遇其臣之意所以无咎上六以除柔動極 過之者亦過乎五也蓋四以陽剛而居五之下是能 鳥之身也上下四陰鳥之翼也則初上二爻正鳥翼 爻之中惟初上二爻取鳥雅之象何也曰三四二陽 而居五之上則是知上而不知下者所以凶也曰六 也遇之者亦遇合乎五也上六弗遇者弗遇乎五也 飛鳥則為凶何也曰卦取遺音之象下而不上者及 之位故取象鳥之雅也曰卦辭雅鳥為大吉而爻辭

ていりら ハナラ 湯 陰然能順時而處則未當不可反凶而吉此聖人 言之大吉自中二爻之剛者言之也盖二陽雖陷於 在穴者乎猶解之射隼乃所以去乎害也 之止不能順上體之動則六五之君安得不弋取夫 君子謀也可不察哉曰六五有弋取在穴之象何也 既言小亨復云大吉何也曰小者之事自其柔得中 曰五 居震體欲動者也下居民體欲止者也以下體 取飛鳥之象上而不下者此吉凶所以判也曰卦辭 易學發通

既齊 銀方四月五十二 或問既濟事小主於六二而不主於九五何也曰九 處下則猶有可進之望此所謂東隣殺牛不如西隣 五當既濟之時處極至之位无復可進矣六二居中 **韩由乎九五之盈满故二不能以自行也然中德在** 虚之義此既濟之後所以不能无休咎之分也曰六 之瀹祭也况五雖居中有盈滿之象二雖居下 既有致亨之道然不无喪弟之占何也曰二之喪 有謙

. /. 10 ... /. /. 1.1 事之道者必有事通之日乎大抵既濟六及下體三 數窮則很今日之喪乃所以為異日之得豈非有可 占上則窮而有濡首之屬矣未濟則下三爻未離平 極之日故六四有衣秘之戒而九五有不如西隣之 未濟之心也二之勿逐而得者中道有亨通之望也 交有可進之理故初之无咎者以其既濟之後而存 已他日有必事之理故謂之七日得者蓋卦有六位 三有克之之占者終有成功之日也外體三爻處過 易學變通

險上三爻則出乎險矣此二卦正相反也 濟之終也李氏曰既濟之時坎險已過故才剛者雖 同 既濟未濟首尾同解者蓋二卦雖有既未之分然 首未濟上九濡其首諸卦皆以反對為體然未 既濟初九濡其尾未濟初六濡其尾既濟上六濡 文之中皆具重坎之體故首尾俱有濡之象然象之 濡尾而无咎爻柔者濡首而有厲此則本其濟之 而占則異者盖未濟不如既濟之初既濟不如未 有如 其

いてん コーラー ノートラ 才若不度淺深如既濟初九之濡尾則各矣若上 孚失是言能有孚則不至於濡首矣此乃亂之後而 待濟則為无咎飲酒而至於濡首則是不知節矣但 而以才之剛柔為得失也若未濟之時坎險未過 之有乎者謂與六五相孚也剛柔相孚需于酒食以 有致治之理而凡時之否而待通事之阻而待濟皆 一九以剛明之資必不如既濟上六之沈獨故曰有 因既濟之象而戒之以為未濟之初六乃陰柔之 易學變通

未濟 或問未濟之事亦以柔得中也而不謂之事小何 此義也學者可不講哉 濟之柔居尊有將濟之理宜有致天下身通之望故 曰既濟之柔在二道不能行故其身在已而為小士 今也貞吉此非勿逐七日之驗乎曰未濟之九二陷 不得謂之小也蓋未濟之五即既濟之二向也喪弟 於坎中乃謂之貞吉六三征凶反謂之利涉何也曰  たこのもという 事而戒僅足以无咎而已若六三之征凶者以本卦 既濟之初但既濟初九之輪曳之於未濟之後未濟 思方者幽險之地坎之象也故既濟言於三者以離 也於未濟之終而有既濟之理此大川所以利涉也 之體未出乎坎也利涉者以互卦之體有既濟之象 未濟之體自二至五互成既濟之體故未濟之二即 日思方之伐既濟言之於三而未濟言於四何也曰 九二之輪曳之於既濟之初盖先事而戒吉之兆後 易學變通

多岁口屋 名言 於君也二則言震用者在伐之功歸諸臣也曰上九 明而去幽閣伐之初也故曰三年克之期其效之辭 居未濟之極宜有濟也乃有飲酒濡首之象何也曰 也未濟言於四者既濟之後也故曰有賞於大國定 節也曰未濟而互既濟既濟亦互未濟何也曰此造 功行賞之解也此所以一則言髙宗者征伐之命主 自二至五已成既濟之體上九不得而與也居未濟 之終而不能成既濟之功此所以沉湎失道而不知

たこうう シトラー南く 然而由既濟而未濟則窮而變變而通此易无窮 後火者本其生數而言也下經主於人道則水火不 交无以生萬物故以水火相濟者推其功用而言也 **未何以先既而後未乎曰上經主於天道故先水** 於心乎曰上經終於坎離先水而後火下經終于既 福之倚伏安危之禪代皆此理也讀易者得不默契 亂之象乎未濟而有既濟此非亂中生治之理乎禍 化之循環所以无窮也既濟而有未濟此非治中 易學變通 而

序卦 金分四月全書 一 序卦之意不應其卦二二相偶其說似為有見因是 思之卦不能無偶則偶不能無序也天下之理一故 本定先後自有指非用孔子序卦之意若元用孔子 序卦之説夫子言之備矣然當考賴達之說曰聖人 妙所以皆由自然也夫豈強為之布置哉 卦之對為序者文王之易也以一卦之名為序者孔 两故化兩相偶而變化出馬此易之道也故以兩

次之四事全書 一〇 定天下也小畜而後有履文德懿而上下辨也泰 也屯而後有蒙屯者物之初蒙者人之初也需而後 學易之大病平盖上經雖以乾坤坎離為主然其卦 有訟酒食者訟之端也師而後有比一戎衣乃所 之偶凡十五皆以相因為序下經雖以震艮異名為 主然其卦之偶凡十七皆以相反相對為序或者聖 子之易也今讀孔子之易而不知求文王之易此非 八之微意也何則乾而後有坤天開於子地開於 易學愛通

致盈也隨而後有盡家之敗由其無諍子也臨而 治之極者必基於大同也謙而後有豫虚者乃所以 息也无妄而後為大畜誠則有以畜其德也順而後 梗化則人文之化盛也剥而後有復消者乃所以為 有觀德足以臨者乃為可觀也噬嗑而後有賣去乎 後有否陽交於春而陰盛於秋也同人 也此皆天地自然之理故以相因為序非强合而附 有大過過常生於養也坎而後有離天一地二之序 而後為大

次定四事全書 一 成與恒對人道之伉儷也逐與大壯反人道之進退 升進也困與井對通塞之義也革與罪對新故之辨 也晉與明夷反人道之顯晦也家人與睽反人道之 豐與旅對豐盛而旅孤也異與充對順說之情也沒 也震與民對動靜之機也漸與歸妹對婚媾之道也 得失也央與好反人道之邪正也萃與升對萃聚而 離合也蹇與解反人道之憂喜也損與益反人道之 會也若下經則以人道言多以相反相對為序美故 易學從也

則無過而過則無信也既濟與未濟對則治亂相 而人道備矣由是觀之卦有自然之偶則偶有自然 與節反海者不節而節者不海也中乎與小過反信 其義文王序卦以兩卦相對而見其義前聖後聖善 互相發而不可偏廢也與 之序非可以强名也但夫子序卦即一卦相因而發 因

後天卦位諸說詳矣然嘗納釋文王之意則有无窮之 固用之所由出而用則不可以離夫體也故流行之中 之配合者此造化之微妙也益先天主體後天主用體 義馬夫後天卦位視先天俱變矣獨坎離對待循先天 大足り 日日 而无窮者政以坎離為真水火也此二五妙合然後出 而有對待者存馬此聖人之精意葢乾坤所以生萬物 易統論附録 後天卦位説 易學變通

有りなると言 以分旺與然三男居東北而乾則退居于後三女居西 震主之陰承乎終而充應之此一剛一柔即乾坤之分 然震者當生物之初而充居成物之終是陽倡乎始而 **予震而說乎名也故震充之分東西雖以金木而定位** 之本良以陽土當收藏之終又為生長之本此土之所 體而一倡一和即载之大始而坤之成物也與艮坤之 易平雷風之位者益坤以陰土當生長之終而為收藏 而坤則雜處其中者豈男主外事固可離乎父女主

上下互易而變者似局于一例以故于夫子象傳時有 欠日日日二十二 内事不可離子母是亦父尊而母親之義與 則本无異也益文王所取以內外往來為變泰否是也 有周公之象變有夫子之卦變其所取雖不一而其義 不合故不得不備其說之未備也何則有文王之卦變 卦變之說朱子亦既備于圖矣但本義之說專主二爻 周公所取以剛柔進退之極為變乾坤之用九用六是 卦變說 易學變通

訟之彖曰剛來而得中无妄之彖曰剛自外來而為主 金でノロでは人丁丁丁 也惟夫子或取一爻自外來而變者訟與无妄是也故 道大光此非益之初九由四而下于初與又有專以 于内此皆蒙上卦而變也致自應來无有以二爻內外 此非损之上九由三而上行與益之彖曰自上下下其 故資之家曰柔來而文剛分剛上而文柔此非貴之六 互易而變者損益與賣是也益此三卦皆自泰否而來 二由泰之上六而來歟損之象曰損下益上其道上行

故其象曰柔得位乎外而上同又與朱子變例不合所 往得衆之辭推之固可指九四自三而入于坤體故有 而坎何自而合西南之象乎又沉海之六四自二而往 而往方合乎變入坤體之象若依本義之說則是由震 そこり 重いふう 西南之利若以蹇之往得中之辭推之則是九五自三 易而變也至于寒解二卦皆有利西南之象然以解之 離居外專主于柔自下進得位得中非以剛柔上下五 文自下而上行者若噬嗑晉縣鼎是也益此四卦皆以 易翠變通

知象由意立乃不求意中之象此後之求象者所以非 之象世之儒者徒知象足盡意而求象中之意矣而不 |立象以盡之是象也者由其有不盡之意故卦有不盡 昔者聖人之作易也書不能盡其言言不能盡其意故 故事主于一例惜也弗克質正其是非而究其義也 金分四月至書 滯泥之不通則必疎暑而无據也姑以乾坤言之乾既 以然者一卦可變而為六十四正如朱子敢蒙之說何 象意説

象徒見其不合矣若以意求象則知坤之稱馬非坤之 · 块水亦有利涉之象矣若益之取象則其象曰利涉大 之利不利之象矣中字則以異木行允澤漁則以異木行 乾故言龍戰者主乾而不主坤言臣不可以加于君也 為馬也特以坤配乾故言北以别之則坤之牝馬豈非 以順健之意與坤之稱龍亦非坤之為龍也特以坤敵 たこうことによう 又以諸卦濟川之泉論之則需訟以乾坎之合固有涉 稱龍坤何得而稱龍坤既稱馬乾何故而為馬以象求 易學變通

意非取異木之象也彼中孚漁則異太浮于水澤又非益之 金公四周至言 能涉乎益同人涉川取其意中之象爾何則同人者同 之澤似若有象之可求矣至于同人利涉又以何體之 異木為可比也若盡與大畜固以互震之木行于互兌 行之意似有未盡益謂之木道行此主于震木有動之 川木道乃行説者但以下震上巽而為木道矣然于乃 不知異本而非水澤則異乃陰木非震木之比何自而 可互乎胡氏知其象之不通乃求互巽之木以當之殊 卷六

意矣 象中之意也若書有不盡之言言有不盡之意于是而 心之利也以此推之卦爻不能无象象不能无意此固 心之謂也同心濟難雖胡越一家則涉川之險尤貴同 有象則是意中之象也求意于象又不若求象于意引 而伸之觸類而長之則卦无不通之象而象无不盡之 一种諸卦之體統而乾又為坤之體統先儒有是言也 影坤說

欠足习更人是可

易學變通

然乾坤剛柔為畫常均故復至乾凡百一十有二陽而 策二百一十有六坤之策百四十有四益以乾元用九 並立而未見载之所以統乎坤者也惟大傅有曰乾之 然否至坤亦為百三十六畫陰上經乾有十二體而坤 坤元用六而得之此固陽饒陰乏而有自然之數矣及 亦有十二體下經氧之體四而坤之體亦四是皆乾坤 始至坤亦百一十有二陰乾至泰固為百三十六畫陽 觀撲者掛功之數則初變之奇偶為奇者三為偶者

金グロルスコー

變十有二而老陰之變惟四耳老陽積而為乾老陰積 たとりらいこう 之中不能无尊甲之意存馬此聖人之微意也故夫子 坤陰之始則受之以萃所以母陰也」所以此乾坤相 而為坤乾尊坤里乾饒坤乏於是體統自然有非人 所能為者故乾坤雖對體於篇端然乾陽由剥而復特 及再變之後奇偶始均然以四象之數而觀則者陽之 一經矣且乾陽之復則受之以无妄所以尊陽也此 一經而坤體由夹而始則列之下經不得並列于 1 易學變更 體居

意先天主于立體故以乾坤為主者凡陽皆乾凡陰皆 先天以坎離居東西後天以坎離居南北說者以先天 言之矣此其扶持之意皆天道之自然夫豈聖人之容 于无妄之录即係之以剛來而為主于內及于萃則不 故乾坤退居于无為坎離則代父母而主事然細玩圖 主對待之體後天主流行之用而坎離者天地之用卦 **块離説** 

金少口用石里

位離南坎北者離納已土故處乎地之陰坎納戊土故 父王三年とき 先天卦位離東坎西者日生于東月生于西也後天卦 天取天之坎離之意多後天取地之坎離之意多何則 不假人為乃天地自然之數所謂六位之坎離而六十 **坎離為主者卦之六位自初至三為離自四至上為坎** 處乎地之陽所以然者圓圖之象天也方圖之象地也 **珅故乾坤定位即六子之位定矣後天主于致用故以** 四卦不能遺也以此為主則後天卦位益可知矣况先 易學變通

金りでたんご言 玖離者此固無天地之坎離為言也下經首成恒而終 備乾坤之體而為天地之用也然而上經首乾坤而終 居于北則外為天之陰而內為地之陽此坎離所以無 南此所以離居于南則外為天之陽而內為地之陰坎 既未濟者此則又以人道之坎離而言也故曰未濟男 則陽極于南而陰極于北地則陽威于北而陰威于 窮歸妹女之終此之謂矣 否泰説

修上下有所辨而禮制作此聖人由師而此不能不定 農合而衆有於歸而力不耗然後衆心有所富而文德 之初為屯生民之初為蒙自其屯而不能无需自其尝 久足四重在1 由若此其難然聖人不以世之既泰而不盡夫人事 之以戈兵者乃所以為懿文制禮之基也夫其致泰之 而定之以封建于是封建行而民有所比而心不離兵 而不能无訟聖人者出因其衆而合之以兵農統其會 嗟夫自乾坤真位何致泰之難而為否之易也夫生物 易學變通

哉交泰之運在天地而成泰之功在聖人也後世人主 裁其過而輔其不及聖人豈樂于自煩而不安于自逸 運之自然殊不思泰之所以致否由六五柔懦而致之 往往遇泰運而不盡人事徒該夫泰之一變為否乃天 言致泰之功而否之九五獨言傾否之故聖人之心益 之君子何自變于包承之小人哉于此見泰之六五不 使泰之五位而濟之以剛德則三陰何自而翩翩包荒 否之所以傾否由九五剛健而傾之此聖人之微意也

藏葢成于民物之既和此所以由訟而師則功成于此 之成乃成于致泰之後或者徒以上下之辨无難定而 自先儒益有此言也然禮之作益作于交泰之前而樂 聖人制禮作樂其必有所由乎夫禮作于履樂成于豫 聖人微意殆以禮文之修必由于武功之既定樂音之 天地之和未易致此固禮作于先而樂成于後之徵然 可見矣奈之何保泰之功不究夫象中之意也 禮樂説

欠子可見ない

易學變通

者乃制禮之原由同人而大有則德威于讓乃作樂之 金月口屋有量 本所以然者禮由于政而政 之大者孰大于比之建國樂 雖和而其終也不能不流與讀易者得不為深省 ·歸還不以禮之體雖嚴而其終也无失樂之用 **师徳之威者孰威于大有而能 無推此二卦之** 制作之由益有自然之故而非智巧得與 履之終而有考祥之吉豫之終反不能无